



**REPUBLIKA E SHQIPËRISË**  
**AUTORITETI I MBIKËQYRJES FINANCIARE**  
**BORDI**

---

**RREGULLORE**

**PËR**

**PËRCAKTIMIN E ELEMENTEVE TË PËRLLOGARITJES DHE NIVELET E  
TARIFAVE QË U NGARKOHEN SUBJEKTEVE TË MBIKËQYRURA, SI DHE  
PROCEDURAT E ARKËTIMIT DHE RAKORDIMIT TË TYRE**

*Miratuar me Vendimin e Bordit nr. 155, datë 23.12.2014*  
*Ndryshuar me Vendimin e Bordit nr. 69, datë 23.07.2015*  
*Ndryshuar me Vendimin e Bordit nr. 138, datë 28.09.2017*  
*\*Ndryshuar me Vendimin e Bordit nr. 164, datë 30.11.2017*  
*\*\*Ndryshuar me Vendimin e Bordit nr. 163, datë 30.07.2018*

**Neni 1**

**Objekti**

Objekti i kësaj Rregullore është përcaktimi i elementeve të përlllogaritjes dhe nivelet e tarifave që u ngarkohen subjekteve të mbikëqyrura nga Autoriteti, si dhe procedurat e arkëtimit dhe rakordimit të tyre.

**Neni 2**

**Baza ligjore**

Kjo Rregullore hartohet në bazë të nenit 14, pika 13 dhe nenit 27, të Ligjit nr. 9572, datë 03.07.2006 “Për Autoritetin e Mbikëqyrjes Financiare”, i ndryshuar.

**Neni 3**

**Llojet e tarifave**

Autoriteti mbledh nga subjektet që ushtrojnë veprimtarinë në tregjet që rregullon dhe mbikëqyr këto lloj tarifash:

- a. Tarifë për aplikim, dhënie dhe rinovime licencash, miratimesh dhe autorizimesh.
- b. Tarifë për mbikëqyrjen e subjekteve të licencuara nga Autoriteti.

- c. Tarifë për projekte të veçanta prej të cilave përfitojnë subjektet e mbikëqyrura.
- d. Tarifë për trajnime për kualifikim profesional dhe edukim në vazhdim prej të cilave përfitojnë subjektet e mbikëqyrura.

#### **Neni 4**

##### **Tarifa aplikimi, dhënie, rinovim licencash, miratimesh, autorizimesh**

1. Subjekti që kërkon të pajiset me licencë, autorizim apo miratim detyrohet të paguajë për llogari të Autoritetit:
  - a. Tarifë për depozitimin dhe shqyrtimin e dokumentacionit për pajisje me licencë, apo autorizim, si dhe dhënie miratimi, e cila caktohet si tarifë fikse dhe paguhet në momentin e depozitimit të dokumentacionit në Autoritet. Tarifa për aplikim nuk i kthehet subjektit, nëse kërkesa e tij për miratim, licencim apo autorizim refuzohet nga Autoriteti.
  - b. Tarifë për pajisje me licencë, autorizim, miratim, apo rinovimin, e cila caktohet si tarifë fikse dhe paguhet nga subjekti përfitues, brenda 45 ditëve nga vendimi i Autoritetit për dhënien apo rinovimin e licencës, autorizimit, miratimit.

#### **Neni 5**

##### **Tarifa për mbikëqyrjen e subjekteve të mbikëqyrura**

1. Subjekti që ushtron veprimtarinë në një nga tregjet që rregullon dhe mbikëqyr Autoriteti detyrohet të paguajë tarifën e mbikëqyrjes. Elementet e përlogaritjes së tarifës së mbikëqyrjes janë si më poshtë:
  - a. Për shoqërinë e sigurimit të Jo-Jetës, volumi i primeve të shkruara bruto vjetore nga veprimtaria e sigurimit;
  - b. Për shoqërinë e sigurimit të jetës, elementi bazë është volumi i primeve të shkruara, pasi janë zbritur elementet e kursimit me bazë vjetore;
  - c. Për shoqërinë e risigurimit, volumi i primeve të shkruara bruto vjetore nga veprimtaria e risigurimit;
  - d. Për shoqërinë administruese të fondeve të pensionit vullnetar dhe të sipërmarrjeve të investimeve kolektive, si dhe depozitarin e fondeve, vlera e përgjithshme e aseteve të fondit/fondeve;
  - e. Për Bursën, vlera totale vjetore e transaksioneve të realizuara në të gjitha segmentet e Bursës;
  - f. Për shoqërinë që operon në tregun me pakicë të titujve të qeverisë, vlera totale vjetore e transaksioneve të tipit A, B dhe C;

- g. Për shoqërinë që operon në Bursë, vlera totale vjetore e transaksioneve në Bursë;
  - h. Për shoqërinë e brokerimit në sigurime, vlera totale vjetore e komisioneve të përftuara nga veprimtaria e ndërmjetësimit.
2. Niveli i tarifës që aplikohet mbi elementin e përlllogaritjes të përcaktuar në pikën 1, të këtij neni miratohet çdo vit nga Bordi i Autoritetit deri në nivelin 1,5%.
  3. Të gjithë subjektet e licencuara që nuk paguajnë një tarifë mbi bazën e elementeve të përlllogaritjes të përcaktuar në pikën 1 dhe 2 të këtij neni, paguajnë një tarifë fikse mbi bazë vjetore, sipas përcaktimit në Aneksin 1 të kësaj rregulloreje.

## **Neni 6**

### **Afati i pagimit të tarifës së mbikëqyrjes**

1. Tarifa e mbikëqyrjes e llogaritur sipas pikës 1 dhe 2 të nenit 5, të kësaj rregulloreje paguhet mbi bazë mujore brenda muajit pasardhës.
2. Përjashtim nga pika 1 e këtij neni bëjnë shoqëritë administruese të fondeve të pensioneve vullnetare, Bursa, shoqëritë që operojnë në Bursë dhe në tregun me pakicë të titujve të qeverisë, si dhe shoqëritë e brokerimit në sigurime, të cilat paguajnë tarifën e mbikëqyrjes mbi bazë 3-mujore, brenda muajit pasardhës nga përfundimi i 3-mujorit.
3. Tarifa e mbikëqyrjes, e cila përcaktohet si tarifë fikse, sipas pikës 3, të nenit 5, të kësaj rregulloreje, paguhet nga subjekti me dy këste. Kësti i parë paguhet brenda muajit korrik të vitit ushtrimor dhe kësti i dytë brenda muajit janar të vitit pasardhës.

Për vitin e parë të veprimtarisë, subjekti i licencuar paguan tarifën fikse në raport me kohën nga momenti i licencimit brenda muajit janar të vitit pasardhës.

## **Neni 7**

### **Tarifa për projekte të veçanta**

1. Tarifa për projekte të veçanta janë tarifatat që paguhet nga subjektet e mbikëqyrura për financimin e projekteve të veçanta dhe caktohen me Vendim të Bordit të Autoritetit.
2. Nga projektet e veçanta përfitojnë subjektet e mbikëqyrura dhe të ardhurat nga këto tarifa përdoren vetëm për financimin dhe mirëmbajtjen e këtyre projekteve, sipas përcaktimeve të vendimit të Bordit të Autoritetit.

## **\*\*Neni 7/1**

Shfuqizohet.

## **Neni 8**

### **Lista e tarifave**

1. Lista e detajuar e tarifave jepet në aneksin 1, të kësaj rregulloreje.
2. Autoriteti rishikon listën e tarifave në varësi të zhvillimeve të tregjeve, nevojës për përmbushjen e detyrimeve të tij, kryerjes së investimeve dhe krijimit e mbajtjes së fondit të rezervës.
3. Lista e tarifave rishikohet dhe miratohet çdo vit në momentin e hartimit të buxhetit të Autoritetit.

## **Neni 9**

### **Pagesa e tarifave**

1. Subjekti paguan tarifën në llogaritë bankare të Autoritetit, të përcaktuara në Aneksin 2.
2. Në dokumentin bankar përshkruhet qartë emri i subjektit, Autoriteti i Mbikëqyrjes Financiare si përfitues i tarifës, lloji i tarifës, periudha për cilën kryhet pagesa.

## **Neni 10**

### **Mos pagesa në afat e tarifave**

Mos pagesa e tarifave nga subjekti, sipas afateve të përcaktuara në këtë rregullore përbën pengesë për ushtrimin e veprimtarisë së Autoritetit dhe trajtohet si shkelje administrative sipas dispozitave të Ligjit nr. 9572, datë 03.07.2006, i ndryshuar.

## **Neni 11**

### **Dispozita kalimtare**

Çdo referencë në lidhje me tarifën dhe procedurën e arkëtimit të tyre, të përmendura në aktet e tjera nënligjore të Autoritetit, shfuqizohet.

## **Neni 12**

### **Hyrja në fuqi**

Kjo rregullore hyn në fuqi më 01.01.2015.

\*Ndryshimet e kësaj rregulloreje dhe lista e tarifave sipas aneksit 1 hyjnë në fuqi në 1 janar 2018.

**Aneksi 1**

**Lista e tarifave për Vitin 2018**

**Në lekë**

	<b>Subjektet</b>	<b>Tarifë për depozitim dokumentacioni</b>	<b>Tarifë për marrje licence ose miratime</b>	<b>Tarifë për mbikëqyrje</b>	<b>Të tjera</b>
<b>I</b>	<b>TREGU I SIGURIMEVE</b>				
<b>1</b>	<b>Shoqëri sigurimi/risigurimi</b>				
	Licencim shoqëri sigurimi/risigurimi	20,000	250,000	1.5%	Zgjerim veprimtarie 100,000
	Ushtrim veprimtarie e shoq. së sigurimit jashtë territorit të R.Sh.	-	10,000		-
	Hapje zyre përfaqësimi e shoq. së huaj të sigurimit në R.Sh.	-	<b>20,000</b>	-	-
	Bashkim ose ndarje e shoqërisë së sigurimit	-	<b>20,000</b>	-	-
	Dhënie në sipërmarrje e disa funksioneve të shoq. së sig.	-	10,000 <b>për çdo funksion</b>	-	-
	Miratim i pjesëmarrjes influencuese	-	<b>20,000</b>	-	
	Miratim statuti të shoq së sigurimit	-	10,000	-	Ndryshim statuti 5,000
	Transferim portofoli të shoq së sigurimit	-	<b>20,000</b>		-
	Miratim administrator/anëtar bordi drejtues /anëtar i këshillit mbikëqyrës/administrimi	-	10,000 për çdo kandidat	-	-

2	<b>Shoqëri agjentësh</b> /banka dhe intituc. të tjera si agjentë	2,000	20,000	-	Rinovim licence 10,000
	Agjent - person fizik	1,000	10,000	-	Rinovim licence 5,000
	Punonjës shitës i shoq së sigurimit	-	2,000	-	-
3	<b>Shoqëri brokerimi</b> / banka si shoqëri brokerimi	20,000	30,000	<b>0.2 %</b>	-
	Broker - person fizik	2,000	20,000	-	
4	<b>Aktuar</b>	-	50,000	-	Rinovim licence 20,000
		-	-		
		-	-		
5	<b>Shoqëri për vlerësim dëme në sigurime</b>	20,000	30,000	-	-
	Vlerësues dëmsh – person fizik	-	50,000	-	Rinovim licence 30,000

II.	TREGU I TITUJVE				
1	<b>Shoqëri brokerimi</b>	5,000	60,000	<b>0.002% për GSRM</b>	Ndryshim statuti 3,000
	Miratim statuti	5,000	-	<b>0.002% për transaksione në Bursë</b>	
	<b>Shoqëri këshillimi</b>	5,000	60,000	50,000	
	Broker/këshilltar fizik	500	30,000	-	
	<b>Shoqëri administruese e portofoleve individuale</b>	-	-	-	
	<b>Shoqëri nënshkrues titujsh</b>	<b>10,000</b>	<b>80,000</b>	<b>0,01% e vlerës së aseteve nën administrim</b>	
		<b>10,000</b>	<b>50,000</b>	<b>100,000</b>	

<b>2</b>	<b>Agjent</b> i brokerit të licencuar	-	10,000	<b>100,000</b>	-
<b>3</b>	<b>Kujdestar</b> i titujve të qeverisë Kujdestar i obligacione të shoq aksionare	5,000 5,000	30,000 30,000	100,000 100,000	-
<b>4</b>	<b>Bursa</b> e Titujve <b>Miratim drejtor/anëtar i këshill mbikqyrës</b> Miratim i rregullave të Bursës Platforma MTF	500,000 - 50,000	300,000 <b>10,000 për çdo kandidat</b> 20,000 300,000	0.001% - -	Zgjerim veprimt <b>100,000</b> - Ndryshim rregullore 10,000
<b>5</b>	<b>Regjistrari</b> i titujve	20,000	100,000	<b>100,000</b>	-
<b>6</b>	<b>Shoqëri administruese</b> e fondeve investimeve/SIK <b>Miratim administrator /anëtar këshilli dministrativ</b>	20,000	250,000 <b>10,000 për çdo kandidat</b>	0,05%	Zgjerim licence 50,000
<b>7</b>	Miratimi i Sipërmarrjes së huaj te investimeve kolektive	-	100,000	-	-
<b>8</b>	Depozitar i fondeve të investimeve/SIK	5,000	100,000	0,01%	Zgjerim licence 30,000
<b>9</b>	Miratim prospekti fond investimi	50,000	-	-	Ndryshim prospekti 20,000
<b>10</b>	Miratim prospekti tituj për oferte publike	100,000	-	-	Ndryshim prospekti 50,000



<b>11</b>	Miratim prospekti tituj për ofertë private	50,000	-	-	Ndryshim prospekti 25,000
<b>III</b>	<b>TREGU I PENSIONEVE</b>				
<b>1</b>	Shoq. administruese e fondit të pensioneve  <b>Miratim administrator/anëtar këshilli administrativ</b>	20,000	250,000  <b>10,000 për çdo kandidat</b>	0,05%	Zgjerim licence 50,000
<b>2</b>	Depozitar i fondit të pensioneve	5,000	100,000	0,01%	Zgjerim licence 30,000
<b>3</b>	Shoqëri agjentësh për fondet e pensionit Agjent person fizik	1,000 500	30,000 <b>10,000</b>	-	-
<b>4</b>	Miratim prospekti për fond pensioni	30,000	-	-	Ndryshim prospekti 10,000

**Shënim 1:** Llogaritja e detyimit mujor për tarifën e mbikëqyrjes bëhet:

$$\text{Detyrimi mujor} = \text{elementi i përlllogaritjes} \times \frac{\text{Tarifa vjetore ne \%}}{12}$$

**Shënim 2:** Llogaritja e detyrimit 3/mujor për tarifën e mbikëqyrjes

bëhet:

$$\text{Detyrimi 3/mujor} = \text{elementi i përlllogaritjes} \times \frac{\text{Tarifa vjetore ne \%}}{4}$$

## Aneksi 2

### Llogaritë bankare të Autoritetit të Mbikëqyrjes Financiare

Nr.	Emërtimi i Bankës	Nr.i llogarisë dhe IBAN në lekë	Nr.i llogarisë dhe IBAN në USD	Nr.i llogarisë dhe IBAN në Euro
1	RAIFFEISEN BANK	0100 7999 28 AL 53202110130000000100799928	800 0799928 AL 37202110130000008000799928	8001799928 AL 84202110130000001799928
2	TIRANA BANK	0100-304 913 102 AL 48206110040000100304913102	0100-304 913 101 AL 75206110040000100304913101	0100-304 913 100 AL 05206110040000100304913100
3	CREDINS BANK	876 AL 87212110160000000000000876	3433 AL 15212110160000000000003433	3737 AL 52212110160000000000003737
4	BANKA KOMBËTARE TREGTARE	501375570 AL 5720511519375570 CLPBCLALLS	AL 6820511519375570 CLPBCFUSDS	AL 1420511519375570 CLPBCFEURE
5	INTESA SANPAOLO	201 9830701 AL 78208110080000002019830701	201 9830702 AL 51208110080000002019830702	201 9830703 AL 24208110080000002019830703